



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ŽEPČE
LOKALNI EKONOMSKI FORUM OPĆINE ŽEPČE**

Broj:L15-11/14

Datum:18.11.2014.

ZAPISNIK

Sa četvrte sjednice LEF-a općine Žepče

Sjednica je održana u ponedjeljak, 17.11.2014. godine u Sali OV sa početkom u 13:30 sati. Sastanku su prisustvovali : Predsjedavajući OV Muhamed Jusufović, pomoćnik načelnika za gospodarstvo i finansije Namik Malićbegović, pomoćnica načelnika za graditeljstvo i prostorno uređenje Brigita Lovrić, direktorica Razvojne agencije Žepče Branka Janko, direktor SMS „Žepče“ Zijah Malićbegović, ravnatelj Tehničko – obrtničke škole KŠC „Don Bosco“ Žepče Marinko Antunović, direktor JP Komunalno Mirko Šumić, predstavnik „Titanic“ d.o.o Franjo Tomić, predstavnik „Frigošped“ d.o.o, Edin Čaušević, predstavnik OZZ „Žepčaki rolend“ Mirzet Krehmić, Bojan Vojvodić ispred GIZ-a te Maja Jukić i Berina Grahić ispred RAŽ-a.

Sastanku nisu prisustvovali: Općinski načelnik Mato Zovko, „Bositex“ d.o.o, „Prograd“ d.o.o, „Makro-drvo“ d.o.o, „Jelinak“ d.o.o, „California“ d.o.o, „Cartrim“ d.o.o Žepče.

Usvojen je dnevni red kako slijedi:

1. Uvod

- Pozdravna riječ;
- Usvajanje dnevnog reda;
- Usvajanje zapisnika sa III sjednice LEF-a;

2. Usvajanje Godišnjeg izvještaja o radu LEF-a – podnositelj RAŽ-tehnički sekretarijat,

3. Informacija rješenjima o određivanju naknade za korištenje gradskog građevinskog zemljišta za pravne subjekte iz općine Žepče – Podnositelj Služba za graditeljstvo i prostorno uređenje i Služba za gospodarstvo i finansije;

4. Informacija o aktivnostima na inicijativi „Prijevoznici“- Komisija/Povjerenstvo za usklađivanje redova vožnje u linijskom prijevozu putnika Općine Žepče

5. Prezentacija rezultata Analize metalnog sektora općine Žepče – Podnositelj RAŽ;

6. Prezentacija projekta „COBEAR“ podržan od Delegacije EU– Podnositelj RAŽ;

7. Predlaganje novih inicijativa od strane javnog i privatnog sektora;

8. Monitoring inicijative „Bositex“ – podnositelj SMS „Žepče“;

9. Nacrt Ankete za privatni sektor;

10. Zaključci, komentari, planiranje naredne sjednice;

Ad1 Uvod (Pozdravna riječ; Usvajanje dnevnog reda; Usvajanje zapisnika sa treće sjednice LEF-a)

Predsjednik LEF-a, Namik Malićbegović, otvorio je sjednicu i pozdravio sve prisutne. Ponudio je zapisnik sa treće sjednice na razmatranje. Obzirom da nije bilo primjedbi na zapisnik, isti je jednoglasno usvojen.

Ad2 Usvajanje Godišnjeg izvještaja o radu LEF-a

Branka Janko, direktorica Razvojne agencije Žepče predstavila je Godišnji izvještaj o radu LEF-a za 2014. godinu. Kratko je prošla kroz provedene aktivnosti LEF-a u 2014. godini kao i inicijative koje su pokrenute od početka godine. Napomenula da će Izvještaj biti dopunjen sa rezultatima četvrte sjednice LEF-a a koji će se dostaviti Općinskom Vijeću na usvajanje.

Predsjednik LEF-a je Izvještaj dao na diskusiju i dodao kako je zadovoljan radom LEF-a i kako ovaj sastav LEF-a vrijedno radi. Također je izrazio svoje zadovoljstvo pokrenutim inicijativama.

Edin Čaušević je također izrazio svoje zadovoljstvo radom LEF-a iz sastanka u sastanak. Čaušević smatra da se postiže napredak u komunikaciji javnog i privatnog sektora te da se brže reaguje na određene probleme nego što je ranije bio slučaj.

Namik Malićbegović je istakao da je, zahvaljujući pokrenutoj inicijativi „Komunalne naknade“ napravljena analiza istih te da su u pripremi nova rješenja kada su u pitanju općinske naknade na području općine Žepče.

Brigita Lovrić je dodala da na inicijativi „Sanacija podvožnjaka“ radi Općina.

Predstavnik KŠC „Don Bosco“ Marinko Antunović pozdravlja pokrenute inicijative te smatra da bi bilo dobro da su članovi LEF-a čije su inicijative realizovane budu prisutni na sjednicama LEF-a kada se razgovara o njima kako bi se čuo njihov stav o toj inicijativi.

Nakon kraće diskusije Godišnji izvještaj o radu LEF-a za 2014. godinu je jednoglasno usvojen.

Ad3 Informacija rješenjima o određivanju naknade za korištenje gradskog građevinskog zemljišta za pravne subjekte iz općine Žepče

Namik Malićbegović je prisutne članove izvijestio o tome da tražena informacija o određivanju naknade za korištenje gradskog građevinskog zemljišta obimna a da ima preko 700 rješenja o naknadi za korištenje građevinskog zemljišta. Prisutnima je na sjednici dana na uvid informacija – spisak preduzeća sa iznosom koji je razrezan svakom pojedinom preduzeću po osnovu KGZ-a.

Brigita Lovrić je dala kratak komentar vezano za naknadu za korištenje gradskog građevinskog zemljišta odnosno njen izračun i mogućnost žalbe za rješenje u kojem slučaju Komisija ponovo izlazi na teren da ustanovi površinu objekta i zemljišta na osnovu koga se izračunava naknada.

Elektronska verzija informacije biti će dostavljena svim članovima LEF-a uz zapisnik sa četvrte sjednice.

Ad4 Informacija o aktivnostima na inicijativi „Prijevoznici“

Namik Malićbegović je predstavio informaciju pripremljenu za IV sjednicu LEF-a od strane predsjednika Komisije/Povjerenstva za usklađivanje redova vožnje u linijskom prijevozu putnika Općine Žepče.

Branka Janko je konstatovala da se sa ovom informacijom završava rad na inicijativi prijevoznika za usklađivanjem redova vožnje do momenta kada se donesu nova zakonska rješenja iz ove oblasti a da će se na drugom dijelu inicijative prijevoznika – prijevoz đaka, raditi u narednom periodu.

Ad5 Prezentacija rezultata Analize metalnog sektora općine Žepče

Maja Jukić, ispred RAŽ-a, predstavila je urađenu analizu metalnog sektora. Analizu je napravio RAŽ uz podršku GIZ-a. U analizu je uključeno 6 metaloprerađivačkih firmi različitih po veličini, broju

uposlenih, godini osnivanja. Analizom je ustanovljeno stanje metalnog sektora u Žepču te potrebe i ograničenja u poslovanju.

Predstavnik KŠC „Don Bosco“ je predložio, kao inicijativu, da se učenicima koji pohađaju stručne škole na području općine Žepče, osiguraju potrebni certifikati ili dozvole. Konkretno za smjer varioca, učenici koji pohađaju praktičnu nastavu u radionici KŠC – a, potpuno savladaju taj zanat ali nemaju certifikat kako bi radili taj posao. Smatra da bi školska radionica KŠC-a i obrt koji su osnovali mogla vršiti certificiranje varioca ukoliko bi dobili dozvolu za to.

Nakon predstavljene analize, zaključeno je da se ista dostavi svim članovima LEF-a elektronskim putem.

Ad6 Presentacija projekta „COBEAR“ podržanog od Delegacije EU

Branka Janko je prisutne upoznala sa projektom koji u decembru počinje sa implementacijom a koji se provodi u partnerstvu sa općinama Tešanj i Teslić. Projekat je vrijednosti 526. 575, 65 eura. Korisnici projekta su 30 izvozno orijentiranih mikro, malih i srednjih preduzeća iz 4 vodeća sektora (metaloprerađiva, drvoprerađiva, koža& tekstil, te prehrambeni sektor – po 10 iz svake općine BEAR područja). Ostali korisnici projekta će biti: zaposlenici firmi u ciljanim sektorima kao sudionici seminara, ukupno 40 , sudionici programa stručnog usavršavanja, ukupno do 15 zaposlenih iz BEAR područja , nezaposlene osobe , kao sudionici Programa stručnog osposobljavanja, ukupno do 15 osoba. Projekt traje dvije i po godine.

Direktorica RAŽ-a je prisutne upoznala sa informacijom da se Općina Žepče uključila u BFC SEE program certifikacije gradova i općina sa povoljnim poslovnim okruženjem u jugoistočnoj Evropi. Ugovor o pristupanju općine Žepče procesu BFC certifikacije 10.11.2014. u Sarajevu, potpisao je općinski načelnik Mato Zovko.

Zaključeno je da se prezentacija projekta dostavi svim članovima LEF-a a direktorica RAŽ-a je naglasila da privatni sektor treba dati podršku provedbi ovog važnog projekta za općinu Žepče.

Ad7 Predlaganje novih inicijativa od strane javnog i privatnog sektora;

Predsjednik LEF-a je ponudio prisutnika da predlože inicijative.

Zijah Malićbegović je predložio nastavak inicijative „Vatrogastvo“ te istakao problem koji škola trenutno ima sa Vatrogasnom postrojbom u Žepču. Obzirom na obavezu šestomjesečne kontrole vatrogasnih aparata, škola je uputila zahtjev Vatrogasnoj postrojbi za kontrolu aparata a nadležnom ministarstvu zahtjev za plaćanjem kontrole. Vatrogasna postrojba je odbila da izvrši kontrolu obzirom da im ni prošlogodišnja kontrola nije plaćena od strane ministarstva. Škola se nalazi u situaciji potrebe da traži drugog dobavljača za te usluge.

Istu situaciju je imao i KŠC „Don Bosco“ s naglaskom da toliko ne krivi Vatrogasce koliko kantonalno ministarstvo koje ne izmiruje svoje obaveze.

Namik Malićbegović je istakao da je to rješivo i da se ne smije dozvoliti da se kontrole vatrogasnih aparata odbijaju zbog neplaćanja.

Edin Čaušević je predložio izgradnju dječjeg igrališta u Žepču obzirom da je Žepče jedini grad u okruženju koje nema izgrađeno dječje igralište. Predložio je da se izgradnja može izvršiti u saradnji sa privatnim sektorom.

Čaušević je također predložio da se u gornji dio naselja Opšenik postavi ulična rasvjeta. Namik Malićbegović je dao informaciju da je to Općina već pokušala da uradi ali zbog nesuglasica sa građanima oko postavljanja stubova taj se posao nije završio kako je planirano. Obzirom da Elektoprivreda HZHB ima u planu rada za 2015. postavljanje tih stubova, taj će problem ubrzo biti riješen.

Predstavnik KŠC „Don Bosco“ je informisao prisutne o planu KŠC-a da uredi dio ulice Stjepana Radića koja vodi do škole. Također je najavio da će školska radionica izraditi klupe i kante za smeće.

Pokušat će uređenje ulice uraditi kroz neki projekt a o svemu će obavijestiti Službu za graditeljstvo i prostorno uređenje.

Ad8 Monitoring inicijative „Bositex“

Zijah Malićbegović je predstavio aktivnosti nakon potpisivanja Sporazuma o saradnji sa tekstilnim preduzećima. Također je informisao prisutne o napretku u praktičnoj nastavi nabavkom novih mašina uz pomoć RAŽ-a i GIZ-a. Najavio dodatno opremanje školske radionice sa još nekoliko novih mašina a uz podršku RAŽ-a i GIZ-a.

Ad9 Nacrt Ankete za privatni sektor

Branka Janko je predstavila anketu za privatni sektor koja se radi svake godine kako bi se mjerio stepen zadovoljstva privatnog sektora uslugama javnog sektora. Prijedlog ankete je dat na uvid članovima LEF-a te je zaključeno da će svi članovi LEF-a dati povratnu informaciju vezano za sadržaj i pitanja iz ankete. Anketiranje će se vršiti početkom decembra na uzorku od 50 firmi. Analiza ankete će se predstaviti LEF-u kao i postupci koji se poduzimaju prema zaključcima analize.


Ad10 Zaključci, komentari, planiranje naredne sjednice

Muhamed Jusufović je pod ovom tačkom dnevnog reda konstatovao da je bio član ranijeg LEF-a te kako u ovom sazivu LEF-a i njegovom radu vidi napredak. U ovom sazivu LEF-a i javni i privatni sektor jasno vide svoju ulogu. Jusufović navodi da je, uz obostranu saradnju i partnerski odnos javnog i privatnog sektora moguće krenuti ka zapošljavanju i ekonomskom razvoju općine Žepče.

Zijah Malićbegović je također pohvalio rad LEF-a te posebno istakao da je, nakon pregleda inicijativa zaključio kako se uradilo više od 80% zadataka što je za svaku pohvalu.

Prisutni članovi su predložili da se naredna sjednica LEF-a održi sredinom januara.

Sjednica je završena u 15:30 sati.

Zapisnik sačinila

Berina Grahić


Predsjednik LEF-a
Zijah Malićbegović